

INFORME sobre o Proxecto de Orde pola que se establece a normativa para a verificación da aptitude dos viños das denominacións de orixe protexidas de ámbito galego polos seus consellos reguladores.

Esta Secretaría Xeral Técnica, en cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, emite o seguinte,

## INFORME

### 1. Obxecto e estrutura

O obxecto deste proxecto de orde é aprobar a normativa para a verificación da aptitude dos viños das denominacións de orixe protexidas de ámbito galego polos seus consellos reguladores.

O proxecto de orde estrutúrase nun artigo único de aprobación da normativa para a verificación da aptitude dos viños das denominacións de orixe protexidas de ámbito galego polos seus consellos reguladores, unha disposición derogatoria única, una disposición derradeira única, sobre a entrada en vigor e un anexo, que recolle a normativa para a verificación da aptitude dos ditos viños.

### 2. Marco normativo e competencial

O Estatuto de autonomía de Galicia, no seu artigo 30.1.tres e catro, determina que corresponde á Comunidade Autónoma de Galicia, de acordo coas bases e a ordenación da actuación económica xeral e a política monetaria do estado, nos termos do disposto nos artigos 38, 131 e 149.1.11 e 13 da Constitución, a competencia exclusiva, en materia de agricultura e gandería e denominacións de orixe en colaboración co Estado.

De conformidade co Decreto 223/2022, do 22 de decembro, polo que se establece a estrutura orgánica da Consellería do Medio Rural a Consellería





do Medio Rural é o órgano da Administración Pública galega ao cal lle corresponde propor e executar as directrices xerais do Goberno no ámbito rural, que engloba as competencias en materia de agricultura, gandería, desenvolvemento rural e ordenación comarcal, estruturas rurais, industrias alimentarias, montes, prevención e defensa dos incendios forestais, de acordo co establecido no Estatuto de Autonomía para Galicia e segundo os termos sinalados pola Constitución española, na forma establecida nese decreto.

Así mesmo, e de acordo co disposto no Decreto 52/2018, do 5 de abril, polo que se crea a Axencia Galega da Calidade Alimentaria e se aproban os seus estatutos, a axencia ostenta unha serie de funcións en materia de calidade alimentaria, correspondéndolle, entre outras, en virtude do establecido na Lei 2/2005, do 18 de febreiro, de promoción e defensa da calidade alimentaria galega, o desenvolvemento das seguintes funcións en materia de calidade alimentaria: realizar actuacións de control e certificación dos produtos acollidos ás denominacións xeográficas de calidade e, en xeral, ás distintas figuras de protección da calidade alimentaria do ámbito da Comunidade Autónoma de Galicia ás que fai referencia o título III da Lei 2/2005, do 18 de febreiro, ou calquera outra de interese xeral para a Comunidade Autónoma que se lle encargue e promover e defender a calidade dos produtos amparados polas denominacións e indicativos de calidade.

O expediente relativo ao proxecto de Orde pola que se establece a normativa para a verificación da aptitude dos viños das denominacións de orixe protexidas de ámbito galego polos seus consellos reguladores está integrado pola seguinte documentación:

-Acordo de inicio da tramitación do anteproxecto de orde, asinado polo conselleiro do Medio Rural en data 9 de maio de 2023.

-Memoria xustificativa e económica asinada polo director da Axencia Galega da Calidade Alimentaria.

- Informe da Subdirección Xeral de Réxime Xurídico de data 12.05.2023.

Polo que respecta á instrución na elaboración do proxecto normativo, esta encadrouse no procedemento legal e nas prescricións contidas nos artigos 40 a 44 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.





De conformidade co artigo 41.4 da Lei 16/2010, do 17 de decembro, a aprobación inicial do anteproxecto como proxecto pola persoa titular da Consellería do Medio Rural tivo lugar en data 16.05.2023.

O texto foi publicado no Portal de Transparencia e Goberno Aberto, en cumprimento do disposto na Lei 1/2016, do 18 de xaneiro, de transparencia e bo goberno e nos artigos 41 e 42 da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

No trámite de audiencia o proxecto normativo foi remitido aos Consellos Reguladores das seguintes Denominacións de Orixe: Rías Baixas, Monterrei, Ribeira Sacra, Ribeiro e Valdeorras.

Na fase intermedia da tramitación, foi sometido aos seguintes trámites:

- Informe de impacto de xénero da Secretaría Xeral de Igualdade de 06.06.2023.

Na fase final da tramitación, foi sometido ao informe da Asesoría Xurídica da Xunta de Galicia, emitíndose o informe en data 26.07.2023 e logo un segundo informe o día 17.10.2023.

En cumprimento do disposto no artigo 43.4 da Lei 16/2010, do 17 de decembro, o proxecto someterase a aprobación da persoa titular da Consellería do Medio Rural.

De conformidade co exposto, esta Secretaría Xeral Técnica informa favorablemente o proxecto de Orde pola que se establece a normativa para a verificación da aptitude dos viños das denominacións de orixe protexidas de ámbito galego polos seus consellos reguladores.

Santiago de Compostela, na data da sinatura dixital  
O secretario xeral técnico  
Joaquín Macho Canales

